



Broj: 02-11-333-12/20

Fojnica: 27. 04. 2020.

Na osnovu člana 69. Stav (3) i člana 100. stav (3) Zakona o javnim nabavkama („Službeni glasnik BiH“, broj: 39/14), u postupku javne nabavke radova za sanaciju rijeka i potoka na području općine Fojnica, rješavajući po žalbi ponuđača Obrt „Azekop“ Kiseljak, od 21.04. 2020 godine, Općinski načelnik donosi:

## ODLUKU

1. Usvaja se djelimično žalba Obrt „Azekop“ Kiseljak.
2. Otkazuje se postupak javne nabavke radova sanacije rijeka i potoka na području općine Fojnica proveden putem Otvorenog postupka javne nabavke iz razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.
3. Nakon što se steknu potrebni uslovi, u skladu sa odredbama Zakona o javnim nabavkama, provest će se otvoreni postupak javne nabavke radova iz člana 2 ove odluke.
4. Ova odluka će se objaviti na web stranici ugovornog organa, u skladu sa članom 70. stav (6) Zakona o javnim nabavkama.
5. Ova odluka stupa na snagu danom donošenja.

## Obrazloženje

Općina Fojnica, u skladu sa Planom javnih nabavki za 2020 godinu, donijela je Odluku o pokretanju postupka javne nabavke putem Otvorenog postupka za dostavu ponuda za sanaciju rijeka i potoka na području općine Fojnica broj: 02-11-333/20, od, 06.03.2020 godine.

Obavještenje o javnoj nabavci broj: 546-1-3-6-3-5/20 objavljeno je na Portalu javnih nabavki dana, 09.03.2020 godine i „Službenom glasniku BiH“ broj: 17, od 13.03.2020 godine.

Oznaka i naziv iz JRJN: 45111230-9 – „Radovi na stabilizaciji terena“.

Procijenjena vrijednost radova iznosi 110.000,00 KM bez PDV-a.

Nakon provedenog postupka, na preporuku Komisije Ugovorni organ je donio Odluku o dodjeli ugovora ponuđaču „Brusnica Trade“ d.o.o. Fojnica broj: 02-11-333-6/20, od, 06.04.2020 godine.

Nakon izvršenog uvida u ponude, ponuđač „Mušibegović Gradnja“ d.o.o. Visoko uložio je žalbu broj: MG-217/20, od 13.04.2020 godine, zaprimljena na protokol ugovornog organa dana, 14.04.2020 godine u tri primjerka.

Ugovorni organ je Odlukom broj: 02-11-333-11/20, od 17.04. 2020 godine usvojio žalbu ponuđača „Brusnica Trade“ d.o.o. Visoko i istom poništio Odluku o dodjeli ugovora ponuđaču „Brusnica Trade“ d.o.o. Fojnica broj: 02-11-333-6/20, od, 06.04.2020 godine.

Na Odluku ugovornog organa o usvajanju žalbe i poništenju odluke o dodjeli ugovora ponuđaču „Brusnica Trade“ d.o.o. Fojnica broj: 02-11-333-11/20, od 17.04. 2020 godine ponuđač Obrt „Azekop“ Kiseljak uložio je žalbu koja je zaprimljena kod ugovornog organa dana, 21.04.2020 godine u dovoljnom broju primjeraka.

Žalitelj u žalbi navodi da je odluka broj: 02-11-333-11/20, od 17.04. 2020 godine nezakonita, suprotna odredbama člana 100 stav (3) Zakona o javnim nabavkama BiH iz razloga što ugovorni organ, nakon što je žalbu žalitelja „Mušibegović Gradnja“ d.o.o. Visoko ocijenio kao osnovanu nije svojim rješenjem ispravio radnju, odnosno nije zamjenio ožalbenu odluku novom odlukom o izboru najpovoljnijeg ponuđača, niti je poništio postupak.

Cijeneci osnovanost poništenja postupka ugovorni organ je procijenio da nema osnovanosti poništenja postupka javne nabavke primjenjujući odredbu člana 100 stav (3) Zakona bezuvjetno i nepovezano sa ostalim odredbama Zakona, na prvom mjestu sa članom 69 Zakona kojim je utvrđeno kada je ugovorni organ obavezan poništiti postupak javne nabavke, kao jedan od načina okončanja postupka javne nabavke.

Imajući u vidu činjenicu da je postupak: „Sanacije potoka i rijeka na području općine Fojnica“ bio planiran Planom javnih nabavki pod tačkom 1.9. – elementarne nepogode, od namjenskih sredstava koje se prikupe za potrebe Civilne zaštite, a kako **je ugovorni organ došao u situaciju koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke**, kada je Vlada Federacije BiH dana, 16. 03.2020 godine donijela Odluku o proglašenju stanja nesreće uzrokovano pojavom koronavirusa (Covid 19) na području Federacije BiH radi provođenja mjera zaštite i spašavanja ljudi na ugroženom području.

Općinski štab civilne zaštite Fojnica bio je dužan da stavi na raspolaganje sve raspoložive resurse, koji će se prema planovima zaštite i spašavanja ljudi i materijalnih dobara koristiti na ugroženim područjima. Troškovi koji nastanu pokrit će se iz sredstava posebne naknade za zaštitu od prirodnih i drugih nesreća koja je namjenski prihod Civilne zaštite, i drugih preusmjerenih sredstava **a za koja je Ugovorni organ na početku godine planirao sanirati u odobrenom iznosu dijelove potoka i rijeka na području općine Fojnica.**

Kako je Ugovorni organ bio primoran preusmjeriti planirana sredstva za potrebe provođenja mjera zaštite i spašavanja ljudi na ugroženom području pojavom korona virusa, kako su nastali razlozi koji su izvan kontrole ugovornog organa, a kako bi se okončao postupak javne nabavke Ugovorni organ, u skladu sa članom 69.stav (3) Zakona o javnim nabavkama otkazuje postupak javne nabavke: „Sanacija rijeka i potoka na području općine Fojnica“ putem otvorenog postupka i isti će se provesti kada se steknu potrebni finansijski uslovi.



O daljim navodima žalitelja kojim je žalitelj „Mušibegović Gradnja“ d.o.o. Visoko naveo da kod drugog ponuđača Obrt Azekop ima nekoliko grešaka koje su mogle i trebale biti razlogom za odbacivanje ponude, ugovorni organ nije ni razmatrao jer se ne radi o odlučnim činjenicama za poništenje odluke o dodjeli ugovora ponuđaču Brusnica Trade.

Odlučne činjenice koje su uticale da se poništi odluka o dodjeli ugovora je što najpovoljniji ponuđač nije dostavio original dokumente ili ovjerene kopije zahtjevane tenderskom dokumentacijom, nego samo obične kopije. O greškama koje je ponuđač Obrt Azekop napravio u svojoj ponudi, a sada u žalbi detaljno obrazložio ugovorni organ iste uvažava, jer se radi o tehničkim greškama koje nisu bile odlučne za odbacivanje ponude ponuđača i iz tih razloga ugovorni organ nije mogao poništiti postupak javne nabavke primjenjujući odredbu člana 100 stav (3), **a kako je ugovorni organ došao u situaciju koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, ugovorni organ je bio dužan okončati postupak javne nabavke na način kako je to utvrđeno članom 69 stav (3) Zakona, tako da je odlučeno kao u dispozitivu ove odluke.**

#### PRAVNA POUKA

Protiv ove odluke može se izjaviti žalba Uredu za razmatranje žalbi putem ugovornog organa u roku od 5 dana od dana prijema odluke.

#### Dostavljeno:

- „Brusnica-Trade“ d.o.o. Fojnica,
- „Tašo Comerc“ d.o.o. Fojnica,
- „Mušibegović Gradnja“ d.o.o. Visoko,
- „Azekop“ Kiseljak,
- a/a,
- Evidencija.



OPĆINSKI NAČELNIK

Klisura Sabanudin dipl.ing.